



UNIVERSITÄTS-
BIBLIOTHEK
PADERBORN

Universitätsbibliothek Paderborn

Adversvs Omnia Catabaptistarvm Prava Dogmata Heinrychi Bullingeri lib. IIII

Bullinger, Heinrich

Tigvri, 1535

VD16 B 9759

Quod anabaptismus ex deo haudqua[ue] sit

urn:nbn:de:hbz:466:1-35433

SECUNDVS LIBER

QVOD ANABAPTISMVS EX

deo haudquaquam sit, & quod non sit
nisi unus baptismus.

S I M O N.



VLTRA horam te hic expecto Ioiada, ^{I.}TRACT.
facileq; mihi persuasiffem, metu te deter-
ritum esse, qui reliquis conclusionibus
parum fideres. IOIADA. Tam
abest ut de hoc articulo loqui formidem, ut nullus sit
alius apud me certior. SIMON, Ego uero pro-
babo rebaptisationem ex deo esse. IOIADA.

Quibus scripturis? SIMON, Ex cap. 19.
Actorum, ubi manifeste habetur 12. uiros à Ioanne,
uel in Ioannis baptismo baptizatos, à Paulo in no-
men Christi rebaptizatos esse. Si licuit post baptismũ
Ioannis, Christi baptismũ recipere, cur idem non mul-
to magis licet, ut baptismus pontificis baptismo Chri-
sti cedat? Quemadmodum enim Ephesij illi ignoran-
tes baptismo Ioannis sunt baptizati, adeoq; à Paulo
rebaptizati, ita & nos ignorantes baptismo pontifi-
cio baptizati sumus. Merito ergo Christi baptismo re-
baptizabimur. IOIADA. Quantum uerbo

LIBER II.

rum loquutus es, tot errores admisisti. Primum, Ephesinos illos perhibes bis esse baptizatos, quod probare non potes. Baptismus enim Ioannis hic non pro aqua sed pro doctrina capi debet. SIMON.

Hoc unicum asylum est, quò uos ueritate uicti confugitis, sed non potestis hæc uestra scripturis aut ueritate firmare. IOIADA. Ego uero tibi probabo, Baptismum non semper pro tinctione, quæ fit aqua, accipi, sed pro doctrina potius, Ioannis 1. et 3. Et huius rei certæ sunt notæ, ut Matth. 21. quum Christus phariseos interrogat, Baptismus Ioannis ex deo sit an ex hominibus, quandoquidem ex deo sit cur ei non credant, per baptismum (ut liquet) doctrinam intelligens aut testimonium cui fidem habere debuerant.

SIMON. Esto baptismus hoc in loco pro doctrina accipiatur, non tamen consequitur baptismum in Actis apostolorum pro doctrina captum esse. IOIADA. Nihilominus in hoc nimij fuistis, quod absq; ueritate à nobis dictum perhibuistis, baptismum sæpe pro doctrina captum esse. Sed age, probabimus in Actis quoq; baptismum pro doctrina capi. In decimo octauo capite Actorum Lucas memorat Apollo Iudæum quendam uirum eloquentem, atq; in uia domini institutum uenisse Ephesum, docuisseq; diligenter quæ domini sunt, scientem duntaxat baptismum Ioannis. Hic uel cæcis adparet, non de aqua sed de doctrina

Strina